



NO HORIZONTE DO 850 ANIVERSARIO

*“E tal burgo e porto
será chamado TOTUM BONUM (...)
E isto declároo para a restauración
do Porto de Apostolo”*

Carta fundacional de Noia, 4 de Abril de 1168

Índice

I. Contido do Orzamento

- 1. Estado de gastos**
- 2. Estado de ingresos**
- 3. Bases de Execución do Orzamento**

II. Principais modificacións en relación co orzamento do exercicio 2014

- 1. Capítulo 1. Gastos de persoal**
- 2. Capítulo 2. Gasto corrente**
- 3. Capítulo 3. Gastos financeiros**
- 4. Capítulo 4. Transferencias correntes**
- 5. Capítulo 6. Inversións.**
- 6. Capítulo 7. Transferencias de capital**
- 7. Ingresos**

ORZAMENTO DO EXERCICIO 2015

DOCUMENTACIÓN COMPLEMENTARIA

MEMORÍA EXPLICATIVA

A Alcaldía do Concello de Noia formula a presente MEMORIA EXPLICATIVA do contido do proxecto de orzamento municipal para o exercicio 2015 e das principais modificacións que o mesmo presenta en relación co vixente do exercicio 2014, dando cumprimento aos artigos 168.1 a) do RD lexislativo 2/2004, polo que se aproba o texto refundido da lei reguladora das facendas locais (TRLFL) e 18.1 a) do RD 500/90, de 20 de abril, polo que se aproba o Regulamento orzamentario.

I.- Contido do orzamento.

O orzamento municipal, tal e coma se establece no artigo 162 do TRLFL, defínese coma a expresión cifrada, conxunta e sistemática das obrigas que, coma máximo, se poden recoñecer, e os dereitos que se prevén liquidar durante o exercicio.

O contido do orzamento debe estar integrado polo estado de gastos, no que, coa debida especificación, se recollerán os créditos necesarios para atender ao cumprimento das obrigas, e polo estado de ingresos, no que se recollerán as estimacións dos recursos económicos que se van liquidar durante o exercicio. Así mesmo incluírá as bases de execución orzamentaria, BEO (art. 165 TRLFL).

O orzamento municipal do Concello de Noia ascende a **10.278.876,03 €**. E deséñase baixo unha liña de contención e prudencia.

O Concello de Noia vense adiantando na adopción de medidas a outras a administracións o que levou ao Concello a unha gran fortaleza económica, garantido a estabilidade e sostibilidade dos servizos públicos municipais.

No contexto do 2015, ano electoral, moitos concellos están dirixindo os seus esforzos a conseguir a maior capacidade inversora de cara as eleccións municipais o que, en moitos casos, vai producir inestabilidade e facturas sen consignación. Por outra banda no 2015 a situación económica da administración central do Estado e da Autonomía non mellora, ao contrario empeora

incrementando a súa débeda o que deixa un panorama de diminución de transferencias de estado e autonomía aos concellos.

Ante esta situación o Concello de Noia, distanciándose das medidas adoptadas por outros concellos, opta por medidas de contención, como destinar parte do POS a gasto corrente ou financiar inversións co PAI da deputación para conseguir a maior dispoñibilidade de gasto corrente posible para garantir a calidade dos servizos públicos e evitar facturas sen consignación que obstaculicen a xestión económica no ano 2016.

Ademais, a pesar da melloría anual da recadación municipal na última década, as previsións de ingresos na recadación municipal fanse cun rigor máximo ante posibles problemas na economía municipal nos vindeiros anos.

Sinalar tamén que mediante resolución da Alcaldía 1018/2014, de 31 de marzo, aprobouse o marco orzamentario para os exercicios entre os anos 2015 a 2017. Existen diferenzas entre o marco orzamentario e o proxecto de orzamento. As razóns destas diferenzas atópanse no bo funcionamento da xestión e inspección dos ingresos do capítulo 1 o que unido a un bo funcionamento da recadación municipal, provoca un incremento dos ingresos. Ademais obsérvase un incremento das transferencias correntes con respecto ao recollido no marco, dado que, tal e coma se sinala no informe económico financeiro, parte do POS se dedica a este tipo de gasto. E finalmente dada a incorporación do préstamo sen xuros que se instou á Deputación Provincial a través do Plan Aforro e Investimentos (PAI). Estes datos non estaban previstos na data en que se redactou o marco orzamentario o que provoca un incremento do gasto no orzamento municipal con respecto ao marco, que se distribúe fundamentalmente entre os capítulos 4 (transferencias correntes) e 6 (investimentos reais) do estado de gastos.

Deste xeito pásanse a resumir as partes integrantes do mesmo, nos seguintes apartados segundo o antedito.

1.- Estado de gastos.


O estado de gastos do orzamento para o exercicio 2015 ascende á cantidade total de **10.278.867,03 €**.

Os créditos para operacións correntes distribúense da seguinte forma:

CAPITULO 1	Gastos de persoal	4.452.528,54 €
CAPITULO 2	Bens correntes e de servizos	3.206.950,68 €
CAPITULO 3	Gastos financeiros	0,00 €
CAPITULO 4	Transferencias correntes	1.141.484,46 €
TOTAL GASTOS CORRENTES		8.800.963,68 €

Pola súa banda, os créditos consignados para gastos de capital recóllense coa seguinte desagregación por capítulos:


CAPITULO 6	Inversións reais	1.376.741,41 €
CAPITULO 7	Transferencias de capital	5.000,00 €
CAPITULO 8	Activos financeiros	96.161,94 €
CAPITULO 9	Pasivos financeiros	0,00 €
TOTAL GASTOS DE CAPITAL		1.477.903,13 €



Como indicamos nos parágrafos anteriores do estado de gasto do proxecto de orzamentos para 2015 ascende á cantidade de 10.278.867,03 €. O que clasificado por áreas de gasto quedaría:

AREA DE GASTO 1	Servizos públicos básicos	4.557.597,04 €
AREA DE GASTO 2	Actuación de protección e promoción social	1.252.543,67 €
AREA DE GASTO 3	Producción de bens públicos de carácter preferente	2.621.116,31 €
AREA DE GASTO 4	Actuacións de carácter económico	89.400,00 €
AREA DE GASTO 9	Actuacións de carácter xeral	1.758.210,01 €
TOTAL		10.278.867,03 €

Área de gasto



2.- Estado de ingresos.

En canto ao estado de ingresos do Orzamento 2015, este ascende a un total de **10.278.867,03 €**.

As previsións de ingresos procedentes de operacións de correntes desagreganse, por capítulos, do seguinte xeito:

CAPÍTULO 1	Impostos directos	3.245.960,00 €
CAPÍTULO 2	Impostos indirectos	95.400,00 €
CAPÍTULO 3	Taxas e outros ingresos	2.260.533,78 €
CAPÍTULO 4	Transferencias correntes	3.990.387,26 €
CAPÍTULO 5	Ingresos patrimoniais	25.690,61 €
TOTAL INGRESOS CORRENTES		9.617.971,65 €


As estimacións orzamentarias para as operacións de capital quedan distribuídas da seguinte maneira:

CAPITULO 6	Alleamento de inversións reais	0,00 €
CAPITULO 7	Transferencias de capital	367.192,08 €
CAPITULO 8	Activos financeiros	64.000,00 €
CAPITULO 9	Pasivos financeiros	229.703,30 €
TOTAL INGRESOS DE CAPITAL		660.895,38 €

Debemos sinalar a fortaleza municipal á hora de garantir os ingresos propios. O excelente traballo levado a cabo polo Concello de Noia nos últimos anos permite asegurar a estabilidade orzamentaria ao compensar coa recadación municipal a diminución das transferencias doutras administracións, e non só iso, aumentar os ingresos globais.

A distribución aparece recollida na seguinte gráfica:

Estado de ingresos



3.- Bases de Execución orzamentaria.

En relación coas BEO aprobadas para o exercicio 2014, unicamente cabe sinalar os cambios introducidas no cadro de subvencións nominativas, tal e como se recolle no apartado II.4 Capítulo 4. Transferencias correntes.


II.- Principais modificacións en relación co orzamento do exercicio anterior 2014.

Estado de gastos: Analízanse, capítulo por capítulo do estado de gastos, as modificacións contidas nos mesmos en relación co anterior Orzamento aprobado:


1. Capítulo 1: Gastos de persoal.

Os nosos traballadores son a mellor inversión, neste Capítulo recóllense os gastos de persoal, isto é, tódalas retribucións e indemnizacións, en diñeiro ou en especie, a satisfacer ao persoal de todo orden, así como as cotizacións á seguridade social e demais prestacións sociais. Supoñen un 43,32% dos ingresos o que garante a sostibilidade de todos os traballadores propios.

Gasto de persoal



Ao igual que na memoria de alcaldía de 2014 analízase a comparativa do gasto de persoal cos ingresos provinte única e exclusivamente da recadación municipal, para estudar a sostibilidade na estrutura orzamentaria.



A recadación municipal é de 5.601.893,78 € (Capítulos de ingresos 1, 2 e 3) mentres que o gasto de persoal é de 4.452.528,54 e isto significa que só coa recadación municipal se mantén a estrutura de persoal do concello de Noia.

Tamén da análise da evolución do gasto do persoal nos últimos anos pódese concluír con claridade que o incremento do gasto de persoal (debido principalmente pola asunción para a xestión directa de servizos municipais antes externalizados) é directamente proporcional á sostibilidade económica do concello e á redución de débeda. O que amosa que o persoal é o principal activo das administracións públicas. O que se corrobora co feito que as administracións (Estado e autonomías) que reduciron o gasto de persoal incrementaron débeda de xeito inversamente proporcional. Só desde ideas políticas obsoletas de destrución do público para favorecer a certos sectores empresariais se pode tentar responsabilizar aos traballadores da situación económica global.

Mantéñense as prazas vacantes no orzamento anterior, tanto as que están pendentes da súa convocatoria, coma aquelas que xa están convocadas e pendentes da oportuna selección.

Os principais cambios que se introducen con respecto a 2014 son que se recollen os postos de traballo en proceso de funcionarización na procura dunha estrutura de persoal máis coherente e eficiente e contéplase a previsión da aplicación do convenio ao persoal subrogado dos servizos de limpeza viaria e edificios, xardinería, auga e saneamento.

Con respecto ao anterior orzamento non se incrementa o gasto de persoal, porque xa se culminou o proceso de recuperación para xestión directa todos os servizos municipais que eran factibles dentro do actual marco normativo.

2. Capítulo 2: Gastos correntes.

Este Capítulo comprende os gastos en bens e servizos necesarios para o exercicio das actividades das entidades que non produzan un incremento do capital ou patrimonio público.

Este capítulo é un dos obxectivos deste orzamento, calcúlase coa perspectiva de garantir a calidade dos servizos públicos municipais e evitar facturas sen consignación.

O total de gasto corrente ascende a 3.206.950,68 euros e destacan partidas importantes como o gasto eléctrico, a conservación de edificios, infraestruturas, etc. Sinalar tamén a inclusión das partidas precisas para o funcionamento do Teatro Coliseo Noela que se puxo de novo en funcionamento a finais de 2014.

3. Capítulo 3: Gastos financeiros

Suprímese este capítulo ao non ter débeda financeira, nin intereses nin amortización. O único préstamo recollido é o PAI, préstamo subvencionado pola Deputación de A Coruña que non ten intereses, e ten unha carencia de dous anos para comezar a amortizar.

4. Capítulo 4: Transferencias correntes.

Neste Capítulo se recollen os créditos necesarios para facer transferencias e subvencións para financiar gastos correntes dos seus beneficiarios.

A principal partida é a destinada á **Mancomunidade Serra do Barbanza** que supón con **670.339,46 euros** o **58,7%** do Capítulo 4.

Destacan neste capítulo os **54.500 euros en axudas á educación**: para material, comedor e transporte escolar, co fin de axudar ás familias noiesas cos custes de educación dos nosos fillos ante diminución das axudas por parte doutras administracións.

Prevense **20.000 euros en concepto de emerxencias sociais e do programa Xantar na casa** para evitar situacións extremas de necesidades primarias que puntualmente poida sufrir algunha familia noiesa.

Recóllense os **8.424 euros** acordados polo pleno para o funcionamento dos grupos municipais.

O Concello de Noia dada a súa boa situación económica non aplica diminucións ás asociacións da Vila de Noia, ao contrario auméntanse. Moitas administracións están eliminando convocatorias de subvencións ou diminuindo a súa cantidade especialmente para colectivos, polo que a apartación municipal convértese nunha axuda fundamental para o mantemento das asociacións noiesas.

Para o Concello de Noia a colaboración coas entidades, asociacións e clubs é prioritaria. Xa que representa unha canle cara os veciños e veciñas máis alá de cubrir os servizos básicos esenciais. A través das subvencións ás asociacións, clubs e colectivos o concello colabora en fomentar aspectos culturais, deportivos e de ocio das persoas, especialmente dos máis mozos. Ademais axuda a interacción social das persoas que forman estes colectivos.

Prodúcese un importante incremento no conxunto das apartacións a entidades con respecto ao orzamento de 2014, sendo **unha das melloras principais do Orzamento 2015 do Concello de Noia o incremento das subvencións a entidades con fins sociais 133.710,00 euros e ás entidades deportivas 147.100 euros.**

No eido deportivo cabe sinalar un importante incremento ata os 147.100,00 euros totais. Inclúense a Asociación de motocross “Os saltóns” e a Clube Peña ciclista Toxo. E adóptase o criterio de elevar a 1.000 euros as subvencións aos novos clubs. Volta aparecer o Club do Mar de Noia, cunha subvención nominativa de 7.000 euros e mantéñenselle 5.000 euros no capítulo 7 en forma de transferencia para investimento para a renovación das embarcacións trala perda sufrida nun accidente de tráfico.

Introdúcese melloras económicas na promoción do atletismo e do fútbol que no orzamento 2014 non viran incrementada a subvención, estes dous clubs terán que asumir novos gastos neste ano 2015.

Fins sociais: Auméntanse as subvencións a Cáritas (5.000,00 euros), Cruz Vermella (3.005,06 euros) e A Misela (5.000,00 euros) ata os 10.000 euros cada unha, a colaboración coa Solidaridade galega co pobo Saharaui pasa a ser 8.010,00 € e recupérase unha subvención anual de 80.000 euros á Fundación Romero Blanco - Monroy da que forma parte o Concello (A Fundación Monroy foi sostida polo concello ata a súa fusión coa Romero Blanco, ademais cona Fundación Romero Blanco-Monroy existen numerosos compromisos adquiridos pola administración municipal que se pretenden compensar a través destes convenios). **O que fai que o Concello destine subvencións nominativas a asociacións con fins sociais por valor de 133.710 euros.**

Educación: Equiparanse a colaboración cos centros educativos de titularidade pública en 2.000 euros o que fai un total de **8.000 euros.**

Asociacións do mar: Auméntase a colaboración coa Asociación de Amigos do Balandro Joaquín Vieta ata os tres mil euros e inclúese no convenio a realización de viaxes na embarcación para a promoción da vila. **5.000 euros.**

Asociación culturais: inclúense dúas novas entidades Grupo filatélico e numismático de Noia e a asociación cultural A Devesa con 1.000 euros cada unha.

O listado de subvencións nominativas achéganse na seguinte táboa:


ENTIDADE	IMPORTE
Fins Sociais	
Subvención Cruz Vermella	10.000,00 €
Acción social vacaciones en paz nenos saharauis	8.010,00 €
Subvención Cáritas Parroquial Noia	10.000,00 €
Subvención A Creba	10.000,00 €
Subvención Club Xubilados	4.500,00 €
Subvención A Misela	10.000,00 €
Subvención Fundación Romero Blanco Monroy	80.000,00 €
Cota Fondo Galego de Cooperación e Solidaridade	1.200,00 €
	133.710,00 €
Educación	
Subvención IES Virxe do Mar	2.000,00 €
Subvención IES Campo de San Alberto	2.000,00 €
Subvención CEIP Felipe de Castro (Bergondo)	2.000,00 €
Subvención CEIP Rodríguez Cadarso (Barquiña)	2.000,00 €
	8.000,00 €
Asociacións do Mar	
Subvención Asociación Mar de Noia	2.000,00 €
Subvención Asociación Joaquín Vieta	3.000,00 €
	5.000,00 €
Cultura	
Subvención Banda de música	21.000,00 €
Subvención Asociación Cultural A Devesa	1.000,00 €
Subvención Grupo Numismático e Filatélico de Noia	1.000,00 €
Subvención Coral Polifónica	7.500,00 €
	30.500,00 €

ENTIDADE	IMPORTE
Deportes	
Subvención Noia Club Fútbol	39.000,00 €
Subvención Escudería Berberecho	18.000,00 €
Subvención Club de baloncesto Noia	21.000,00 €
Subvención Club de voleibol Noia	15.000,00 €
Subvención Club de atletismo Noia	12.000,00 €
Subvención Peña ciclista Noela	1.000,00 €
Subvención Club Area Longa	1.000,00 €
Subvención Escola de taekwondo Maniotas	3.000,00 €
Subvención Noia Fútbol Sala	20.000,00 €
Subvención Adeco Ambar	1.100,00 €
Subvención Club fútbol veteranos	1.000,00 €
Subvención Club ITF Noia	3.000,00 €
Subvención Padel e Tennis Noia	2.000,00 €
Subvención asociación deportiva inercia kamikaze	1.000,00 €
Subvención Club do Mar (remo)*	7.000,00 €
Subvención Club de motocross “Os saltóns”	1.000,00 €
Subvención Club Peña ciclista Toxo	1.000,00 €
	147.100,00 €
Promoción económica e turismo	
Subvención Asociación de empresarios Noia Histórica	20.000,00 €
Cota GAC Seo de Fisterra- Ría de Muros Noia	100,00 €
Promoción Turística: Premio Cartel Feira Medieval	300,00 €
Promoción do turismo: ARD Ría Muros-Noia	1.000,00 €
Subvención Asociación mototurística Ría de Noia	1.000,00 €
	22.400,00 €
Cotas FEMP, FEGAMP, FENEMBALSES	1.700 €

(*) A subvención complétase con 5.000 € en transferencias ao Clube de Remo para adquisición de embarcacións.

Na seguinte gráfica recollese a distribución das principais partidas deste capítulo:

Transferencias correntes



O resto do partidas son relativas a distintas cotas e aos premios para os concursos organizados polo Concello: Mostra de curtas, concurso de pintura rápida Sesé, Concurso de relato de aventuras “Antón Aviles de Taramancos”, concurso de fotografía do CIM....

5. Capítulo 6. Inversións

Este capítulo comprende tódolos **gastos de inversión** realizados directamente polo Concello de Noia para a creación de infraestruturas e adquisición de bens de natureza inventariable que sexan necesarios para o funcionamento dos servizos.

Este capítulo supón un **13,40 % do total do orzamento**.

A relación de investimentos que se inclúen no orzamento recóllense na seguinte táboa e suman un total de **1.376.741,41 €**:

Nome	Orzamento
Chic & cheap project: reurbanización do entorno das vivendas sociais de Barro.	165.000,00 €
PEIM: Mellora do entorno da Igrexa de Boa. Empedrado e pavimentos	81.563,68 €
Convenio Deputación: Mellora do entorno da igrexa de Santa María de Róo: empedrado e servizos	125.796,84 €
POS 2015: Reposición de depuradora en Pontenafonso	82.583,87 €
POS complementario 2014: obra de mellora na traída de augas das fontes de Noia.	33.389,08 €
PAI: Pavimentación da Alameda	229.703,30 €
As cúpulas. Construción de cuberta desmontable para o parque infantil de Labarta	120.000,00 €
Anualidade 2015 para adquisición do Edificio do Casino de Noia	125.000,00 €
Noia 850: Arquivo Dixital de fotografías de Noia.	20.000,00 €
Reposicións piscina municipal	5.000,00 €
Melloras no pavillón Rosalía de Castro: Renovación de pista e cumprimentos de normativas.	121.000,00 €
Melloras no campo de fútbol: Taquilla, Cantina, Aseos, entorno campo de herba artificial, bombeo e outras melloras	160.000,00 €
Instalación radio Noia	10.000,00 €
Reposición equipamento informático.	3.893,51 €
POS 2015: Rehabilitación edificación en Sampaio para local social	93.811,13 €
	1.376.741,41 €

Instalacións deportivas: coas presentes actuacións no Campo de Fútbol de San Lázaro e Pavillón Rosalía de Castro avánzase na modernización e actualización das edificacións deportivas. Nos vindeiros exercicios débese plantexar:

- A ampliación do Pavillón do Rosalía de Castro, cun novo ximnasio, vestiarios, baños, almacéns e salas para clubs deportivos.
- Reparación das instalacións do club de remo.
- Ampliación da piscina: adquisición de terreos para ampliación de ximnasio e construción de vaso exterior, renovación de vestiarios e novos equipos de renovación de aire.

Locais sociais: Coa rehabilitación da escola unitaria de San Paio complétase a rede centros cívicos co Concello de Noia. Resultaba imprescindible a súa intervención polo pésimo estado da construción.

Patrimonio: Inclúense a mellora dos entorno das Igrexas de Santa María de Róo e San Pedro de Boa, que veñen a unirse ao xa realizado da Igrexa de Santa María de Argalo. Quedando pendente para próximos exercicios os entorno das igrexas de Santa Mariña do Obre e Santa Cristina de Barro.

Saneamento: A reconstrución da depuradora de Pontenafonso tenta paliar unha das principais carencias: a extensión do saneamento municipal aos núcleos rurais.

Renovación urbana: dentro do proceso de renovación urbana que ven levando a cabo o Concello de Noia fixéronse intervencións tan importantes como a Pedrachán, a Chaínza, O campo da Feira, A Carreiriña, A Praza Curro, As Portas do Mar, a apertura da Rúa Pintor Xenaro Carrero, etc... Agora pretendese continuar con este proceso polo que se inclúen tres obras importantes como é o proxecto de reurbanización das vivendas sociais de Barro (Chic & Cheap), a reconstrución da Alameda e As Cúpulas no parque infantil de Labarta para construír o primeiro parque infantil cuberto da vila.

Adquisicións. Inclúese a partida do 2015 da compra plurianual do Edificio do Casino, que xunto coa adquisición da Fábrica de Curtidos dos Cadarso na Chaínza e a previsible compra da casa de Cultura á Fundación Romero Blanco - Monroy neste mesmo exercicio veñen completar as necesidades de adquisición de edificacións do Concello de Noia nos vindeiros anos.

6. Capítulo 7

Ao igual que no Orzamento 2014 volve a ter contido o capítulo 7, xa que se inclúe a transferencia de 5.000 € ao Club do Mar para asumir os custes de investimentos precisos para recuperarse dos danos sufridos no seu material nun accidente de tráfico.

7. Ingresos.

Nos últimos exercicios non se aprobou ningunha medida municipal que implicara aumento da presión fiscal, ao contrario, procedeuse a derogación da tributos como a taxa pola entrada de carruaxes a través das beirarrúas, a taxa por celebración de vodas e a diminución dos prezos públicos e taxas da piscina. Aínda así a evolución dos ingresos derivados dos capítulos I ao III, que se corresponde coa recadación municipal incrementáronse considerablemente, como pon de manifesto na seguinte táboa:


Exercicio	Recadación municipal
2011	5.104.289,41 €
2012	5.335.759,67 €
2013	5.339.903,83 €
2014	5.776.317,62 €

Evolución que aparece reflectida na seguinte gráfica:



A eficiencia da recadación municipal é unha das garantías da sostibilidade financeira e económica do Concello de Noia, o que permite o aumento progresivo do orzamento municipal noiés.


Ademais o rigor e a prudencia da recadación municipal amósase coa comparativa entre os ingresos previstos e o finalmente recadados:



Así, e pese a que no contexto de crise actual, os importes recadados por certos tributos como o Imposto sobre construcións, instalacións e obras ou as Taxas pola licenza de obras ao estar vinculados directamente ao sector construción, é inferior, lograse non só manter, senón que incrementar o volume de dereitos recadación municipal.

Esta evolución explícase pola decisión de xestionar directamente polo Concello toda a recadación municipal. Tal e como xa se adiantaba na memoria de alcaldía do ano 2012 a recuperación da xestión directa do Imposto sobre Bens Inmóveis e do Imposto sobre actividades económicas implicaría non só unha importante redución no capítulo de gastos polo prezo que se viña abonado por tales servizos a deputación, senón que permitiu aumentar a eficacia do servizo. Os datos de mellora da recadación veñen corroborar a decisión adoptada de recuperar para a xestión directa toda a recadación municipal.

O bo comportamento da recadación municipal compensa a preocupante caída de ingresos por transferencias doutras administracións -Participación nos tributos do Estado, Transferencias da CCAA e da Deputación- que sofren unha evolución inversa en relación con dita recadación, tal como pon de manifesto o gráfico seguinte:



Aínda que os datos amosan unha evolución favorable na recadación municipal, e onde ademais, ano tras ano, a recadación final supera as previsións iniciais do orzamento seguindo co rigor e prudencia que rexen estes orzamentos prevense uns ingresos de 5.601.893,78 € o que supón unha diminución da previsión de ingresos na recadación municipal de 128.850, 32 euros.

O presente proxecto de orzamentos municipais do Concello de Noia pretende marcar unha liña de prudencia e contención anticipándose aos problemas e garantindo a fortaleza da economía municipal. O concello de Noia alónxase da dirección que están tomando outras administracións que están sendo pouco rigurosos na previsión de ingresos, destinando con fins electoralistas máis recursos do que deberían a investimento e que acabarán provocando unha situación de inestabilidade ou cando menos na administración municipal unha redución na liña de mellora que viñan experimentando os concellos.



Esta é a Memoria explicativa do contido do Orzamento e das principais modificacións contidas no proxecto de Orzamento para o ano 2015 que se expón ao Pleno desta Corporación para que acorde a súa aprobación se procede, unha vez debatido o proxecto presentado.

Noia, 8 de Marzo de 2015.

Asdo.: Rafael García Guerrero

Alcalde-Presidente do Concello de Noia